

Prilog 3.

Popunjavanje carinske deklaracije za uvozne carinske postupke

A. Opće odredbe

- Ovim prilogom propisuje se način popunjavanja carinske deklaracije koja se, u skladu sa članom 10. i članom 21. stav (2) ovog uputstva, podnosi za sljedeća carinski odobrena postupanja ili upotrebu pri uvozu iz člana 1. stav (2) tačka b) ovog uputstva (u daljnjem tekstu: uvozni carinski postupci):
 - puštanje robe u slobodan promet (40, 42, 48, 61, 63),
 - istovremeno puštanje u slobodan promet i stavljanje u postupak unutrašnje obrade po sistemu povrata (41, 46, 47),
 - unutarnja obrada po sistemu odgođenog plaćanja (51, 55, 56),
 - privremeni uvoz (53),
 - carinsko skladištenje (71),
 - obrada pod carinskom kontrolom (91),
 - uništenje robe (93).
- Za popunjavanje određenih polja carinske deklaracije za uvozne carinske postupke (u daljnjem tekstu: uvozna carinska deklaracija) označenih brojevima koriste se šifre propisane za odnosno polje iz Priloga 5. ovog uputstva (u daljnjem tekstu: Prilog 5.).
- U uvoznjoj carinskoj deklaraciji za uvozne carinske postupke iz tačke 1. (pod A.) ovog priloga, osim postupka carinskog skladištenja (71) popunjavaju se polja označena brojevima: 1, 2, 3⁽¹⁾, 5⁽¹⁾, 6⁽¹⁾, 7, 8, 9⁽²⁾, 12⁽³⁾, 14, 15, 15a, 16⁽⁴⁾, 18⁽⁵⁾⁽⁶⁾, 19, 20, 21⁽⁵⁾⁽⁶⁾⁽⁷⁾, 22, 23, 24, 25, 26⁽⁹⁾, 29⁽¹⁰⁾, 30⁽¹¹⁾, 31, 32, 33, 34a, 35, 36⁽¹³⁾, 37, 38, 39, 40, 41, 42, 43, 44, 46, 47⁽¹⁴⁾, 48, 49⁽¹⁷⁾ i 54.
- U uvoznjoj carinskoj deklaraciji za postupak skladištenja u carinsko skladište tipa A, B, C, E⁽¹⁹⁾ i F, popunjavaju se polja označena brojevima: 1, 2, 3⁽¹⁾, 5⁽¹⁾, 6⁽¹⁾, 7, 8, 9⁽²⁾, 12⁽³⁾, 14, 16⁽⁴⁾, 19, 21⁽⁵⁾⁽⁶⁾⁽⁷⁾, 22, 26⁽⁹⁾, 29⁽¹⁰⁾, 30⁽¹¹⁾, 31, 32, 33, 34a, 35, 37, 38, 40, 41, 42, 44, 47⁽¹⁴⁾, 49 i 54.
- U uvoznjoj carinskoj deklaraciji za postupak skladištenja u carinsko skladište tipa D i E⁽²⁰⁾, popunjavaju se polja označena brojevima: 1, 2, 3⁽¹⁾, 5⁽¹⁾, 6⁽¹⁾, 7, 8, 12⁽³⁾, 14, 15, 15a, 16⁽⁴⁾, 18⁽⁵⁾⁽⁶⁾, 19, 20, 21⁽⁵⁾⁽⁶⁾⁽⁷⁾, 22, 26⁽⁹⁾, 29⁽¹⁰⁾, 30⁽¹¹⁾, 31, 32, 33, 34a, 35, 37, 38, 40, 41, 42, 44, 46, 47⁽¹⁴⁾, 49 i 54.
- Na nivou **glave** uvozne carinske deklaracije popunjava se polje: 1, 2, 3, 5, 6⁽¹⁾, 7, 8, 9⁽²⁾, 12⁽³⁾, 14, 15, 15a, 16⁽⁴⁾, 18⁽⁵⁾⁽⁶⁾, 19, 20, 21⁽⁵⁾⁽⁶⁾⁽⁷⁾, 22, 23, 24, 25, 26⁽⁹⁾, 29⁽¹⁰⁾, 30⁽¹¹⁾, 48, 49⁽¹⁷⁾ i 54 (primjenjivo polje, ovisno koji je uvozni carinski postupak u pitanju).
- Na nivou **naimenovanja** uvozne carinske deklaracije popunjava se polje: 31, 32, 33, 34a, 35, 36, 37, 38, 39, 40, 41, 42, 43, 44, 46, 47⁽¹⁴⁾ (primjenjivo polje, ovisno koji je uvozni carinski postupak u pitanju).

Legenda (izvod iz Priloga 1.):

(1)	Polje 3, 5 i 6, za bilo koji izvozni i uvozni carinski postupak, automatski popunjava carinski informacijski podsistem.
(2)	Polje 9, gdje je primjenjivo, popunjava se: <ul style="list-style-type: none">u izvoznim carinskim postupcima, kada se u polju 2 izvozne carinske deklaracije koristi odgovarajuća "zajednička šifra" iu uvoznim carinskim postupcima, kada se u polju 8 uvozne carinske deklaracije koristi odgovarajuća "zajednička šifra".
(3)	Polje 12 u uvoznjoj carinskoj deklaraciji automatski popunjava carinski informacijski podsistem, zbog tehničkih zahtjeva tog podsistema.

(4)	Polje 16 u izvoznim i uvoznim carinskim postupcima popunjava se samo zbog tehničkih zahtjeva carinskog informacionog podsistema.
(5)	Polje 18 (identitet) i polje 21 (identitet) ne popunjava se za: <ul style="list-style-type: none"> - poštanske pošiljke i - pošiljke koje se prevoze (prenose) fiksnim prijevoznim instalacijama.
(6)	Polje 18 (nacionalnost) i polje 21 (nacionalnost) ne popunjava se za: <ul style="list-style-type: none"> - poštanske pošiljke, - pošiljke koje se prevoze (prenose) fiksnim prijevoznim instalacijama, - pošiljke u željezničkom saobraćaju.
(7)	Polje 21 u uvoznj carinskoj deklaraciji popunjava se kada se ta deklaracija podnosi u carinskom uredu u mjestu ulaska robe u carinsko područje Bosne i Hercegovine.
(9)	Polje 26 u uvoznj carinskoj deklaraciji ne popunjava se kada se uvozne carinske formalnosti provode u carinskom uredu u mjestu ulaska robe u carinsko područje Bosne i Hercegovine.
(10)	Polje 29 popunjava se u uvoznj carinskoj deklaraciji: <ul style="list-style-type: none"> - kada se uvozna carinska deklaracija podnosi u ulaznom carinskom uredu neposredno po ulasku robe u carinsko područje, - kada se razdužuje prethodni postupak provoza ili privremeni smještaj, - kada se podnosi uvozna carinska deklaracija za robu koja napušta slobodnu zonu, - kada je na osnovu dokumenata, priloženih uz uvoznj carinsku deklaraciju, moguće utvrditi preko kojeg je graničnog prijelaza roba ušla u carinsko područje Bosne i Hercegovine.
(11)	Polje 30 popunjava se u izvoznim i uvoznim carinskim postupcima kada se zahtijevani carinski postupak provodi po nepotpunoj carinskoj deklaraciji ili po kućnom carinjenju, i u drugom slučaju kada je to propisano i na način kako je propisano.
(13)	Polje 36 popunjava se u određenim uvoznim carinskim postupcima samo kada se, gdje je primjenjivo, zahtijeva primjena sporazuma o preferencijalnoj trgovini koji je u pitanju, uz prilaganje važećeg prihvatljivog dokaza o porijeklu (preferencijalnom) robe.
(14)	Polje 47 u uvoznj carinskoj deklaraciji ne popunjava se ako ne nastaje obaveza plaćanja ili osiguranja plaćanja duga.
(17)	Polje 49 popunjava se u uvoznj carinskoj deklaraciji: <ul style="list-style-type: none"> - u postupku carinskog skladištenja (71), - ako se uvozna carinska deklaracija za stavljanje robe u zahtijevani uvozni carinski postupak koristi za završetak postupka carinskog skladištenja (na primjer, puštanje robe u slobodan promet uz plaćanje dažbina nakon postupka carinskog skladištenja - postupak "4071"), samo prvi dio tog polja.
(19)	Ako je odobrenjem za carinsko skladište tipa E određena primjena odredbi koje važe za carinsko skladište tipa C.
(20)	Ako je odobrenjem za carinsko skladište tipa E određena primjena odredbi koje važe za carinsko skladište tipa D.

B. Način popunjavanja polja carinske deklaracije za uvozne carinske postupke
(puštanje robe u slobodan promet uključujući i puštanje robe u slobodan promet pri ponovnom uvozu, carinsko skladištenje, unutarnja obrada, privremeni uvoz, obrada pod carinskom kontrolom i uništenje robe)

Polja uvozne carinske deklaracije za uvozne carinske postupke iz tačke 1. (pod A.) ovog priloga označena brojevima popunjavaju se kako slijedi u tekstu ovog priloga.

Polje 1. DEKLARACIJA

Popunjava se tako što se upisuje:

- u prvu podjelu: šifra "IM",
- u drugu podjelu: dodatna vrsta deklaracije, koristeći jednu od sljedećih šifri, ovisno od konkretnog slučaja:
 - šifra "A", ako se uvozna carinska deklaracija podnosi u redovnom postupku u skladu sa članom 74. Zakona,
 - šifra "Z", ako se uvozna carinska deklaracija podnosi za kućno uvozno carinjenje (pojednostavljeni postupak u skladu sa članom 88. stav (1) tačka c) Zakona), potpuna sa svim potrebnim podacima kao u redovnom postupku,
 - šifra "B", ako se podnosi nepotpuna uvozna carinska deklaracija (pojednostavljeni postupak odobren na osnovu člana 88. stav (1) tačka a) Zakona), koja šifra ostaje i kod dopune te deklaracije,
- treća podjela - ne popunjava se.

Polje 2. Pošiljalac/Izvoznik

1. U polje 2 upisuje se puno ime i adresa posljednjeg prodavca robe prije njenog uvoza (unosa) u carinsko područje Bosne i Hercegovine.
2. Popunjava se tako što se upisuje:
 - u drugi red: puno ime pošiljaoca robe odnosno posljednjeg prodavca robe prije unosa u Bosnu i Hercegovinu,
 - u treći red: sjedište i država pošiljaoca robe odnosno posljednjeg prodavca robe prije unosa u Bosnu i Hercegovinu,
 - u četvrti red: adresa pošiljaoca robe odnosno posljednjeg prodavca robe prije unosa u Bosnu i Hercegovinu.
3. Na jednoj uvoznoj carinskoj deklaraciji može biti upisan samo jedan pošiljalac odnosno prodavac robe.
4. Posljednji prodavac je lice koje je posljednje prodalo robu za izvoz u carinsko područje Bosne i Hercegovine neposredno prije njenog unošenja u to carinsko područje.

Primjer: Kompanija iz Austrije kupi robu u Kini, a nakon toga proda je kompaniji iz Bosne i Hercegovine. Roba je direktno otpremljena iz Kine u Bosnu i Hercegovinu, gdje se pušta u slobodan promet.

Kompanija iz Austrije je posljednji prodavac robe prije nego je ista unijeta u carinsko područje Bosne i Hercegovine. U ovom primjeru, kompanija iz Austrije upisuje se u polje 2 uvozne carinske deklaracije.

5. "Posljednja prodaja" može podrazumijevati i prodaju robe za izvoz u carinsko područje Bosne i Hercegovine zaključenu, ne prije nego što roba bude unijeta u to carinsko područje, već dok se ona nalazi pod carinskim nadzorom u carinskom području Bosne i Hercegovine (na primjer, u carinskom skladištu ili nekom drugom postupku s ekonomskim dejstvom osim vanjske obrade; u privremenom smještaju; u slobodnoj zoni; vidi član 76. stav (2) Odluke).

Napomene:

1. Kod primjene člana 76. stav (2) Odluke (u slučaju u kojem je ta odredba primjenjiva), "posljednja prodaja" podrazumijeva prodaju robe za izvoz u carinsko područje Bosne i Hercegovine koja se već nalazi pod carinskim nadzorom u Bosni i Hercegovini (na primjer, u carinskom skladištu ili nekom drugom postupku s ekonomskim dejstvom osim vanjske obrade; u privremenom smještaju; u slobodnoj zoni).

2. Kod primjene člana 76. stav (2) Odluke (u slučaju u kojem je ta odredba primjenjiva), posljednji prodavac kojeg treba upisati u polje 2 uvozne carinske deklaracije je lice iz druge

države koje je posljednje prodalo robu za izvoz u carinsko područje Bosne i Hercegovine dok se ona već nalazi pod carinskim nadzorom tokom odgođenog plaćanja u tom području.

Polje 3. Obrasci⁽¹⁾

1. Popunjava se tako što upisuje:
 - u prvu podjelu: redni broj seta u odnosu na ukupan broj korištenih setova i dopunskih obrazaca uvozne carinske deklaracije,
 - u drugu podjelu: ukupan broj korištenih setova i dopunskih obrazaca uvozne carinske deklaracije.

Primjer: Ako se koristi jedan obrazac IM i dva dopunska obrasca IM/BIS, na obrascu IM upisuje se "1/3", na prvom dopunskom obrascu IM/BIS upisuje se "2/3", na drugom dopunskom obrascu IM/BIS upisuje se "3/3".

Ako uvoznu carinsku deklaraciju sačinjavaju dva seta po četiri primjerka, umjesto jednog seta od osam primjeraka, ta se dva seta smatraju jednim setom u svrhu utvrđivanja broja obrazaca.

2. Polje 3 uvozne carinske deklaracije carinski informacijski podsystem automatski popunjava upisivanjem broja seta u odnosu na ukupan broj korištenih setova i dopunskih obrazaca, kako je navedeno u primjeru za ovo polje.

Polje 5. Naimenovanja⁽¹⁾

1. Brojem, upisuje se ukupan broj naimenovanja (robe) koja predmetno lice prijavljuje u svim korištenim obrascima i dopunskim obrascima uvozne carinske deklaracije (JCI i JCI BIS).
2. Ukupan broj naimenovanja mora odgovarati broju popunjenih polja 31 u uvoznoj carinskoj deklaraciji.
3. Polje 5 carinski informacijski podsystem automatski popunjava na osnovu broja popunjenih polja 31 u uvoznoj carinskoj deklaraciji.

Polje 6. Ukupan broj paketa⁽¹⁾

1. Brojem, upisuje se ukupan broj paketa koji sačinjavaju predmetnu pošiljku koja se prijavljuje po uvoznoj carinskoj deklaraciji, bez navođenja njihove vrste.
2. Ako je pošiljka u rasutom stanju, carinski informacijski podsystem u polje 6 upisuje "0" (nulu).
3. U polje 6 carinski informacijski podsystem automatski upisuje ukupan broj paketa koji sačinjavaju predmetnu pošiljku, na osnovu broja paketa upisanih u svakom popunjenom polju 31 u predmetnoj uvoznoj carinskoj deklaraciji, te automatski provjerava podatke upisane u ovo polje.

Polje 7. Referentni broj

1. Upisuje se trgovački referentni broj koji deklarant ili zastupnik dodijeli predmetnoj pošiljci u svrhu nedvosmislene identifikacije te pošiljke, odnosno uvozne carinske deklaracije, dok se ne dodijeli MRN broj.
2. Taj se broj u toku kalendarske godine ne može ponoviti za isto lice.

3. Taj broj može biti u obliku jedinstvenog referentnog broja pošiljke (UCR)⁽¹⁾.

⁽¹⁾ Preporuka Vijeća za carinsku suradnju o jedinstvenom referentnom broju pošiljke (UCR-*unique consignment reference number*) za carinske svrhe (30. juna 2001.)

Polje 8. Primalac

1. Popunjava se tako što se upisuje:
 - u prvi red, pored oznake I.B.: I.B. primaoca robe,
 - upisivanjem I.B. primaoca robe u prvi red ovog polja, carinski informacijski podsystem automatski, iz Jedinstvenog registra obveznika indirektnih poreza, upisuje podatke o primaocu robe (puno ime, adresa).
2. U polje 8 uvozne carinske deklaracije upisuju se podaci o primaocu robe koji je registriran u Jedinstvenom registru obveznika indirektnih poreza po osnovu obavljanja vanjskotrgovinskog poslovanja i kojem je dodijeljen I.B.
3. Izuzetno od tačke 2. ovog polja, u slučaju ako je primalac robe lice koje, u skladu s važećim propisima, ne mora biti registrirano u Jedinstveni registar obveznika indirektnih poreza *po osnovu obavljanja vanjskotrgovinskog poslovanja* (na primjer, primalac robe je korisnik određene carinske povlastice, primalac donirane robe, primalac robe je pravosudni organ ili organ uprave, nekomercijalnu robu, povremeno, unosi ili je prima fizičko lice, drugi slučajevi navedeni u tekstu za ovo polje, i drugo odgovarajuće) u uvoznu carinsku deklaraciju upisuje se:
 - u polje 8 u prvi red, pored oznake I.B.: ovisno od konkretnog slučaja, odgovarajuća zajednička šifra iz Priloga 5.,
 - u polje 9: podaci o licu na koje se odnosi zajednička šifra upisana u polje 8, te
 - u slučaju korištenja zajedničke šifre u uvoznoj carinskoj deklaraciji polje 8 i 9 čine jedinstvo i odnose se na isto lice.
4. Ako su primalac robe i deklarant različita lica, u polje 8 uvozne carinske deklaracije upisuju se podaci o primaocu robe.
5. Na jednoj uvoznoj carinskoj deklaraciji može biti upisan samo jedan primalac.
6. Primalac je lice za čiji račun se podnosi uvozna carinska deklaracija i koje je, u vrijeme prihvatanja uvozne carinske deklaracije, vlasnik robe ili ima slična prava raspolaganja robom.
7. Ako se uvozna carinska deklaracija podnosi za stavljanje robe u postupak unutarnje obrade, obrade pod carinskom kontrolom, privremenog uvoza ili za ponovni uvoz nakon vanjske obrade, u polje 8 upisuju se podaci o imaocu odobrenja za taj postupak.
8. Ako se roba stavlja u postupak carinskog skladištenja u javno carinsko skladište (tip A ili B), u polje 8 upisuju se podaci o licu koje podnosi uvoznu carinsku deklaraciju (deponent - ostavilac robe) ili u slučaju zastupanja (čl. 5. i 6. Zakona) lice u čije ime se podnosi carinska deklaracija.
9. Ako se roba stavlja u postupak carinskog skladištenja u privatno carinsko skladište (tip C, D ili E), u polje 8 upisuju se podaci o imaocu odobrenja za navedeno carinsko skladište.
10. Kod ponovnog uvoza nakon vanjske obrade, ovisno od konkretnog slučaja, u polje 8 uvozne carinske deklaracije može biti upisan imalac odobrenja za vanjsku obradu ili drugo lice koje je od imaoca odobrenja dobilo suglasnost da može u svoje ime i za svoj račun prijaviti za puštanje u slobodan promet dobijene proizvode i da su ispunjeni uvjeti iz odobrenja (član 168. stav (1) tačka b) Zakona).
11. U slučaju dozvoljene prodaje robe u carinskom skladištu (prodaja strane robe na malo u carinskim skladištima (bez obzira na tip) uz oslobađanje od plaćanja uvoznih dažbina u slučajevima iz člana 379. stav (3) Odluke; prodaja strane robe u carinskom skladištu tipa C po osnovu ugovora o zastupanju stranog

lica - na primjer konsignacija), u polje 8 uvozne carinske deklaracije kojom se završava postupak carinskog skladištenja upisuju se podaci o licu koje je robu kupilo, a u polje 2 te deklaracije upisuju se podaci o licu iz polja 2 uvozne carinske deklaracije po kojoj je predmetna roba stavljena u postupak carinskog skladištenja odnosno o posljednjem prodavcu robe ako se prodaja za izvoz u carinsko područje Bosne i Hercegovine desila dok se roba nalazila u postupku carinskog skladištenja (vidi član 76. stav (2) Odluke).

12. U slučaju u kojem firma (uvoznik) iz Bosne i Hercegovine robom koju uvozi snabdijeva NATO/EUFOR, OHR ili druge misije međunarodnih organizacija akreditiranih u Bosni i Hercegovini, konzularna i diplomatska predstavništva stranih država stacioniranih u Bosni i Hercegovini, koji po osnovu određenih međunarodnih sporazuma koji obavezuju Bosnu i Hercegovinu uživaju diplomatske ili druge privilegije, u uvoznu carinsku deklaraciju (postupak 42) upisuje se:
 - u polje 8: ovisno od konkretnog slučaja, NATO/EUFOR, ili OHR ili druga misija međunarodnih organizacija akreditirana u Bosni i Hercegovini, ili konzularno ili diplomatsko predstavništvo, korištenjem odgovarajuće zajedničke šifre iz Priloga 5.,
 - u polje 9: podaci o licu na koje se odnosi zajednička šifra upisana u polje 8,
 - u polje 44: podaci o uvozniku (I.B./puno ime/sjedište), pod šifrom "OSCP".
13. U slučaju iz tačke 12. ovog polja, uz uvoznu carinsku deklaraciju, za robu koju prima NATO/EUFOR prilaže se APENDIX C, a za robu koju prima OHR ili druga misija međunarodnih organizacija akreditiranih u Bosni i Hercegovini ili konzularno i diplomatsko/konzularno predstavništvo prilaže se Potvrda o diplomatskom statusu izdata od Ministarstva vanjskih poslova Bosne i Hercegovine.
14. Kod uvoza robe po osnovu carinske povlastice za *projekte obnove i rekonstrukcije* u slučaju u kojem se u realizaciji projekata obnove i rekonstrukcije, od strane donatora ili korisnika projekta ili drugog relevantnog subjekta, angažira firma iz Bosne i Hercegovine za uvoz robe, te na angažiranu firmu glase inostrane fakture po kojima se plaćanje robe vrši iz sredstava projekta i ako angažirana firma plaća porez na dodanu vrijednost pri uvozu, u uvoznu carinsku deklaraciju (postupak 42) upisuje se:
 - u polje 8: podaci (I.B. i ostali podaci) o firmi iz Bosne i Hercegovine koja obavlja uvoz robe po predmetnom projektu obnove i rekonstrukcije,
 - u polje 44: podaci o korisniku predmetnog projekta obnove i rekonstrukcije koji je korisnik navedene carinske povlastice, pod šifrom "KOCP".
15. U slučaju kada je primalac robe korisnik carinske povlastice koji sâm obavlja uvoz a nije registriran u Jedinostveni registar obveznika indirektnih poreza *po osnovu obavljanja vanjskotrgovinskog poslovanja*, u uvoznu carinsku deklaraciju (postupak 42) upisuje se:
 - u polje 8: u prvi red, pored oznake I.B., odgovarajuća zajednička šifra,
 - u polje 9: podaci o korisniku carinske povlastice na koje se odnosi zajednička šifra upisana u polje 8.
16. U drugom slučaju koji nije slučaj iz tač. 12. do 15. ovog polja, a u kojem korisnik carinske povlastice, iz određenog razloga, za uvoz robe (za njegov račun) za carinsku povlasticu koja je u pitanju angažira firmu (uvoznik) iz Bosne i Hercegovine, u uvoznu carinsku deklaraciju (postupak 42) upisuje se:
 - u polje 8: I.B. odnosnog korisnika carinske povlastice (ako je odnosni korisnik carinske povlastice lice registrirano u Jedinostveni registar obveznika indirektnih poreza *po osnovu obavljanja vanjskotrgovinskog poslovanja*) ili, u protivnom, odgovarajuća zajednička šifra za odnosnog korisnika carinske povlastice za čiji račun se obavlja predmetni uvoz,
 - u polje 9: podaci o licu na koje se odnosi zajednička šifra upisana u polje 8,
 - u polje 44: podaci o uvozniku (I.B./puno ime/sjedište), pod šifrom "OSCP".
17. U slučaju iz tačke 16. ovog polja, iz fakture (ako je iz iste vidljivo da je uvoz za račun korisnika carinske povlastice koji je u pitanju) ili drugog dokumenta (na primjer, ugovora o uvozu) koji prati robu kod uvoza treba biti vidljivo da se predmetni uvoz obavlja za račun odnosnog korisnika carinske povlastice, kako bi korisnik carinske povlastice za čiji račun se obavlja predmetni uvoz robe mogao ostvariti pravo na predmetnu carinsku povlasticu, uz ispunjenje i drugih uvjeta propisanih za predmetnu carinsku povlasticu. U tom obliku uvoza, korisnik carinske povlastice je korisnik uvoza (naručilac posla), te primalac robe i suštinski vlasnik robe koja se uvozi.

Polje 9. Lice odgovorno za finansijsko poravnanje⁽²⁾

1. Polje 9 uvozne carinske deklaracije popunjava se ako se u polju 8 uvozne carinske deklaracije koristi odgovarajuća zajednička šifra iz Priloga 5. (vidi tekst za polje 8 ovog priloga).
2. U slučaju iz tačke 1. ovog polja, u polje 9 uvozne carinske deklaracije upisuju se podaci o licu na koje se odnosi zajednička šifra upisana u polju 8 uvozne carinske deklaracije.

Polje 12. Podaci o vrijednosti⁽³⁾

Polje 12 uvozne carinske deklaracije popunjava se samo zbog tehničkih zahtjeva carinskog informacionog podsistema, koji podsystem automatski u polje 12 upisuje ukupan iznos troškova i popusta koji utiču na utvrđivanje carinske vrijednosti, osim unutarnjih ovisnih troškova koji ulaze u osnovicu za obračun poreza na dodanu vrijednost, a na osnovu vrijednosti tih troškova i popusta pravilno upisanih od strane deklaranta/zastupnika u dodatni ekran predmetne uvozne carinske deklaracije "Napomena o vrijednosti".

Polje 14. Deklarant/Zastupnik

1. Popunjava se tako što se upisuje:
 - u prvi red, ispred oznake I.B.: odgovarajuća šifra za određivanje deklaranta ili statusa zastupnika iz Priloga 5., ovisno od konkretnog slučaja,
 - u prvi red, poslije oznake I.B.: I.B. deklaranta/zastupnika,
 - u drugi red: puno ime deklaranta/zastupnika,
 - u treći red: adresa deklaranta/zastupnika,
 - upisivanjem I.B. deklaranta/zastupnika u prvi red polja 14, carinski informacioni podsystem automatski, iz Jedinstvenog registra obveznika indirektnih poreza, u polje 14 upisuje puno ime i adresu deklaranta/zastupnika.
2. **Pojašnjenje u vezi korištenja šifre za određivanje deklaranta ili statusa zastupnika**
 - 2.1. Ako, na primjer, primalac (uvoznik) **sâm podnosi** uvoznu carinsku deklaraciju u svoje ime i za svoj račun:
 - primalac nema zastupnika, djeluje u svoje ime i za svoj račun,
 - primalac je deklarant,
 - u polje 14 upisuje se šifra za određivanje deklaranta "1" i I.B. primaoca (i ostali podaci o primaocu za ovo polje na način kako je navedeno u tački 1. ovog polja),
 - u ovom slučaju, lice iz polja 8 i 14 uvozne carinske deklaracije je isto lice, a to je primalac (primalac je istovremeno i deklarant).
 - 2.2. Ako primalac podnosi uvoznu carinsku deklaraciju **putem zastupnika**, u polje 14, ovisno od vrste zastupanja, upisuje se jedna od sljedećih šifri za određivanje statusa zastupnika i I.B. zastupnika:

- šifra "2"
(neposredno zastupanje)

- neposredni zastupnik podnosi uvoznu carinsku deklaraciju u ime i za račun zastupanog lica (*primaoca* navedenog u polju 8), na osnovu ovlaštenja datog od strane zastupanog lica,
- u polje 14 upisuje se I.B. neposrednog zastupnika,

	- kod neposrednog zastupanja zastupano lice (<i>primalac</i>) je deklarant,
- šifra "3" (posredno zastupanje)	- posredni zastupnik podnosi uveznu carinsku deklaraciju u svoje ime a za račun zastupanog lica (<i>primaoca</i> navedenog u polju 8), na osnovu ovlaštenja datog od strane zastupanog lica, - u polje 14 upisuje se I.B. posrednog zastupnika, - kod posrednog zastupanja <i>posredni zastupnik je deklarant</i> .

2.3. Podaci upisani u polju 14 odnose se na lice čiji je I.B. upisan u to polje, ovisno od konkretnog slučaja (kako je pojašnjeno u tački 2.1. ili 2.2. ovog polja).

2.4. U svakom slučaju, podaci o odgovornom licu navedenom u polju 54 uvezne carinske deklaracije odnose se na lice čiji je I.B. upisan u polje 14.

3. Pojašnjenje o licu koje je dužnik:

Ovisno koja je šifra za određivanje deklaranta ili statusa zastupnika upisana u polju 14, **dužnik je:**

šifra "1"	u svoje ime i za svoj račun (deklarant)	- dužnik je: lice navedeno u polju 14 kao deklarant (to jest isto lice navedeno u polju 8 - <i>primalac</i>),
šifra "2"	u ime i za račun drugog lica (neposredni zastupnik)	- dužnik je: lice iz polja 8 (<i>primalac</i>) koje je i deklarant,
šifra "3"	u svoje ime a za račun drugog lica (posredni zastupnik)	- dužnik je: <i>posredni zastupnik</i> iz polja 14 (kao deklarant), a - solidarni dužnik je lice iz polja 8 (<i>primalac</i>).

4. Kod polaganja osiguranja za plaćanje duga od strane trećeg lica, situacija je sljedeća:

- šifra "1" (deklarant)	- račun odgođenog plaćanja je: račun lica iz polja 14 (<i>deklaranta</i> , koji je i <i>primalac</i> iz polja 8) od kog se zahtjeva polaganje osiguranja jer je to lice, u ovom slučaju, dužnik,
- šifra "2" (neposredni zastupnik)	- račun odgođenog plaćanja je: ➤ račun lica iz polja 8 (<i>primaoca</i> , od kog se zahtjeva polaganje osiguranja, jer je <i>primalac</i> , u ovoj situaciji, i deklarant i dužnik), ako ono polaže svoje osiguranje, ➤ račun trećeg lica, ako treće lice umjesto dužnika polaže svoje osiguranje (u praksi, to je uglavnom osiguranje <i>neposrednog zastupnika</i> iz polja 14). U ovom slučaju, položena garancija u pisanoj formi mora biti snabdjevena klauzulom da garancija osigurava i dugove drugih lica, ➤ potrebna je punomoć (ovlaštenje) za neposredno zastupanje,
- šifra "3" (posredni zastupnik)	- račun odgođenog plaćanje je: ➤ u ovom slučaju, dva lica su dužnici za isti dug, to su i posredni zastupnik i <i>primalac</i> (uvoznik) lica od kojih se zahtijeva polaganje osiguranja, tako da u ovom slučaju

- osiguranje za plaćanje duga može položiti i primalac i posredni zastupnik,
- račun *posrednog zastupnika* iz polja 14, ako osiguranje polaže posredni zastupnik,
 - potrebna je punomoć (ovlaštenje) za posredno zastupanje,
 - račun lica iz polja 8 (*primaoca*), ako ono polaže svoje osiguranje.

Polje 15. Država otpreme/izvoza

1. U polje 15 upisuje se naziv države iz koje je roba poslana, a u polje 15a odgovarajuća šifra te države iz Priloga 5.
2. Upisivanjem u polje 15a odgovarajuće šifre države iz koje je roba poslana, carinski informacijski podsystem automatski u polje 15 upisuje naziv te države.

Primjer: Prodavac iz Italije prodaje robu kupcu iz Bosne i Hercegovine koja se šalje iz Mađarske. U ovom primjeru, u polju 15 je Mađarska (ne Italija, dakle ne država odakle je prodavac nego država iz koje je roba poslana u Bosnu i Hercegovinu).

3. Ako u državi kroz koju je roba prošla (država provoza) na putu do Bosne i Hercegovine nije bilo trgovinskih transakcija (na primjer, prodaja ili proizvodnja) ni zadržavanja koja nisu povezana sa prijevozom, u polje 15a upisuje se odgovarajuća šifra iz Priloga 5. za državu iz koje je roba bila prvobitno poslana u Bosnu i Hercegovinu.
4. Ako je došlo do zadržavanja i/ili trgovinskih transakcija, u polje 15a upisuje se država provoza u kojoj se desila trgovinska transakcija i/ili zadržavanje.
5. Za potrebe tog zahtjeva u pogledu podataka, smatra se da je zadržavanje radi konsolidacije robe u provozu povezano sa prijevozom robe.

Polje 16. Država porijekla⁽⁴⁾

1. Polje 16 uvozne carinske deklaracije popunjava se samo zbog tehničkih zahtjeva carinskog informacijskog podsystema, koji podsystem automatski popunjava ovo polje na osnovu podataka upisanih u polje 34a.
2. Ako su različite države porijekla navedene u polju 34a po naimenovanjima uvozne carinske deklaracije, carinski informacijski podsystem automatski u polje 16 upisuje riječ "mnogo".

Polje 18: Identitet i nacionalnost prijevoznog sredstva u dolasku^{(5) (6)}

1. Popunjava se tako što se upisuje:
 - u prvu podjelu: identitet prijevoznog sredstva (registarski broj ili naziv),
 - u drugu podjelu: nacionalnost prijevoznog sredstva, koristeći odgovarajuću šifru iz Priloga 5.
2. Upisuje se nacionalnost prijevoznog sredstva (ili vozila koje vuče druga prijevozna sredstva ako se radi o više prijevoznih sredstava) na koje je roba direktno utovarena u vrijeme predodjenja carinskom uredu u kojem se obavljaju određene carinske formalnosti.
3. Za označavanje nacionalnosti prijevoznog sredstva koristi se odgovarajuća šifra države iz Priloga 5. u kojoj je predmetno prijevozno sredstvo registrirano.

4. Ako se koristi vučno vozilo i prikolica koji imaju različite registarske brojeve, upisuje se registarski broj i vučnog vozila i prikolice, te nacionalnost vučnog vozila.
5. Ako se roba prevozi željeznicom upisuje se broj vagona. Ako je u pitanju više vagona, upisuje se:
 - "Razno vagoni-99211", a
 - uz uveznu carinsku deklaraciju prilaže se "specifikacija vagona", koja sadrži brojeve vagona i referentne podatke specifikacije. Referentni podaci specifikacije upisuju se u polje 44 uvezne carinske deklaracije pod odgovarajućom šifrom vrste dokumenta iz Priloga 5.
6. Ako se roba prevozi zrakoplovom, upisuje se broj i datum leta. Ako nema broja leta, upisuje se registarski broj zrakoplova.
7. Ako se roba prevozi brodom, upisuje se naziv i oznaka broda.
8. Svi registarski brojevi upisuju se u polje 18 na način da se između oznaka ne smije ostavljati prazno mjesto, a podaci za vučno vozilo i prikolicu odvajaju se kosom linijom "/" bez razmaka.
9. Ako se jednom uveznom carinskom deklaracijom prijavljuje roba koja je smještena u više prijevoznih sredstava (kamiona, vagona ili drugo) ili u drugom propisanom slučaju, uz deklaraciju prilaže se "specifikacija prijevoznih sredstava", u kojoj su navedeni identitet i nacionalnost svih prijevoznih sredstava i naznaka koja se roba nalazi u svakom pojedinom prijevoznom sredstvu. U tom slučaju, upisuje se:
 - u prvu podjelu polja 18: "Razno prijevozna sredstva-99211",
 - u polje 44: referentni podaci specifikacije, pod odgovarajućom šifrom vrste dokumenta iz Priloga 5.
10. Polje 18 ne popunjava se:
 - prva podjela (identitet) i druga podjela (nacionalnost) za:
 - pošiljke u poštanskom saobraćaju i
 - pošiljke koje se prevoze (prenose) fiksnim prijevoznim instalacijama (na primjer, cjevovodi, električni vodovi),
 - druga podjela (nacionalnost): za pošiljke u željezničkom saobraćaju.

Polje 19: Kontejner (Ktr.)

1. U polje 19 upisuju se potrebni podaci o situaciji u trenutku prelaska granice Bosne i Hercegovine, i to:
 - šifra "1": ako se roba prevozi u kontejneru,
 - šifra "0": ako se roba ne prevozi u kontejneru.
2. Ako se u polje 19 upisuje šifra "1", tada se u polje 31 upisuju identifikacioni brojevi/oznake kontejnera.
3. Kod uvezne carinske deklaracije koja se popunjava korištenjem carinskog informacionog podsistema, polje 19 popunjava se ako se roba prevozi u kontejneru tako što se upisuje znak "√", a u bazi podataka tog polja nalazi se šifra "1". U protivnom ovo polje ne popunjava se.

Napomena: Upisivanjem znaka "√" u polje 19 kada se roba prevozi u kontejneru, carinski informacioni podsistem automatski otvara dio polja 31 (dodatni ekran pod nazivom "Kontejner", gdje se nalazi šifra "0" i "1") u koji se upisuju podaci o identifikacionom broju (oznaci) svakog pojedinačnog kontejnera, koji podaci su vidljivi u polju 31.

Polje 20: Uvjeti isporuke

1. U polje 20 upisuju se podaci o uvjetima iz trgovinskog ugovora.

2. Polje 20 popunjava se tako što se upisuje:
 - u prvu podjelu: odgovarajuća šifra pariteta isporuke iz Priloga 5.,
 - u drugu podjelu: mjesto pariteta isporuke.

Polje 21: Identitet i nacionalnost aktivnog prijevoznog sredstva koje prelazi granicu^{(5) (6) (7)}

1. U polje 21 upisuju se podaci o aktivnom prijevoznom sredstvu koje prelazi granicu Bosne i Hercegovine, i to:
 - u prvu podjelu: identitet aktivnog prijevoznog sredstva (registarski broj ili naziv),
 - u drugu podjelu: nacionalnost aktivnog prijevoznog sredstva, koristeći odgovarajuću šifru iz Priloga 5.
2. Ako je u pitanju kombinirani prijevoz ili ako se koristi više prijevoznih sredstava, aktivno prijevozno sredstvo je ono koje pokreće cijelu tu kombinaciju (to jest pogonsko prijevozno sredstvo). Na primjer, ako je riječ o kamionu koji se nalazi na brodu, aktivno prijevozno sredstvo je brod. Ako se koristi kombinacija vučnog vozila i prikolice, aktivno prijevozno sredstvo je vučno vozilo, i tako dalje.
3. Ako se jednom uvoznom carinskom deklaracijom prijavljuje roba koja je smještena u više aktivnih prijevoznih sredstava iz tačke 1. ovog polja (kamiona, vagona ili drugo) ili u drugom propisanom slučaju, uz carinsku deklaraciju prilaže se "specifikacija prijevoznih sredstava", u kojoj su navedeni identitet i nacionalnost prijevoznih sredstava i naznaka koja se roba nalazi u svakom pojedinom prijevoznom sredstvu. U tom slučaju upisuje se:
 - u prvu podjelu polja 21: "Razno prijevozna sredstva-99211",
 - u polje 44: referentni podaci specifikacije, pod odgovarajućom šifrom vrste dokumenta iz Priloga 5.
4. Polje 21 popunjava se kada se uvozna carinska deklaracija podnosi u carinskom uredu u mjestu ulaska robe u carinsko područje Bosne i Hercegovine.

Napomena:

Kamion A sa robom ulazi u carinsko područje Bosne i Hercegovine na Graničnom prijelazu Gradiška, od koje se dio stavlja u carinski postupak unutarnje obrade u Carinskoj ispostavi Gradiška (gdje je i mjesto ulaska robe), a dio robe se pretovara u kamion B i, po postupku provoza, upućuje u Carinsku ispostavu Mostar gdje će biti prijavljena za puštanje u slobodan promet. U ovom slučaju situacija je sljedeća:

- u uvoznj carinskoj deklaraciji za unutarnju obradu koja se podnosi Carinskoj ispostavi Gradiška, u polje 18 i 21 upisuju se podaci o kamionu A,
- u provoznoj carinskoj deklaraciji kojom se dio robe sa Graničnog prijelaza Gradiška upućuje u Carinsku ispostavu Mostar, u polje 18 upisuju se podaci o kamionu B, a u polje 21 podaci o kamionu A,
- u uvoznj carinskoj deklaraciji kojom se roba iz druge alineje ovog primjera prijavljuje za puštanje u slobodan promet u Carinskoj ispostavi Mostar nakon završetka postupka provoza, u polje 18 upisuju se podaci o kamionu B, dok se polje 21 ne popunjava.

5. U pogledu daljnjih odredbi, postupa se na način naveden u tač. 3. do 8. i tački 10. za polje 18 ovog priloga.

Polje 22: Valuta i ukupan iznos iz fakture

1. Popunjava se tako što se upisuje:
 - u prvu podjelu: odgovarajuća šifra valute objavljene od Centralne banke Bosne i Hercegovine, u kojoj je iskazana vrijednost robe u fakturi,
 - u drugu podjelu: iznos iz fakture za svu prijavljenu robu, u valuti iz prve podjele.

2. U carinskoj deklaraciji za *ponovni uvoz dobijenih proizvoda nastalih u postupku vanjske obrade* u drugu podjelu polja 22 upisuje se ukupna vrijednost iz fakture koja se sastoji od vrijednosti korištene strane robe i vrijednosti uslugâ (troškova obrade).
3. Ako je roba koja se prijavljuje obračunata u više valuta, za svaku vrstu valute podnosi se zasebna uvozna carinska deklaracija.
4. Vrijednost upisana u polje 22 jednaka je zbiru vrijednosti upisanih u polju 42 u svim naimenovanjima uvozne carinske deklaracije.
5. Kod uvozne carinske deklaracije koja se popunjava korištenjem carinskog informacionog podsistema polje 22 popunjava se u skladu sa tač. 1., 3. i 4., te tač. 6. do 9. ovog polja, ovisno od konkretnog slučaja.

Napomene: U polje 22 u carinskom informacionom podsistemu deklarant upisuje iznos iz fakture u valuti iz prve podjele ovog polja.

Polje 22 uvozne carinske deklaracije je u neposrednoj vezi sa poljem 46 (statistička vrijednost). U polje 46 carinski informacioni podsistem automatski, u valuti Bosne i Hercegovine, upisuje vrijednost iz polja 22, korigiranu za iznose troškova i popusta pravilno upisanih od strane deklaranta/zastupnika u dodatni ekran predmetne uvozne carinske deklaracije "Napomena o vrijednosti".

6. Kod uvozne carinske deklaracije za *ponovni uvoz dobijenih proizvoda nastalih u postupku vanjske obrade* koja se popunjava korištenjem carinskog informacionog podsistema, u pogledu popunjavanja polja 22 deklarant može odabrati jednu od sljedećih mogućnosti, ovisno od konkretnog slučaja:
 - da u polje 22 upiše iznos kojeg čine ukupna vrijednost privremeno izvezeno robe, vrijednost proizvodnih uslugâ, vrijednost korištene strane robe i drugih troškova nastalih izvan carinskog područja Bosne i Hercegovine, ili
 - da u polje 22 upiše samo vrijednost proizvodnih uslugâ, vrijednost korištene strane robe i drugih troškova nastalih izvan carinskog područja Bosne i Hercegovine.
7. Kod obe mogućnosti iz tačke 6. ovog polja mora se pravilno popuniti dodatni ekran predmetne uvozne carinske deklaracije "Napomena o vrijednosti" sa iznosima troškova i popusta koji utiču na carinsku vrijednost kompenzirajućih proizvoda, te pravilno popuniti i druge odgovarajuće ekrane te deklaracije neophodnim podacima o privremeno izvezenoj robi, da bi se dobio ispravan obračun dažbina u skladu sa članom 169. Zakona.
8. Ako se primjenjuje član 171. Zakona (ako su u pitanju samo troškovi obrade), deklarant u polje 22 upisuje samo vrijednost troškova obrade, u kojem slučaju se nikakvi drugi troškovi ili popusti ne upisuju u dodatni ekran predmetne uvozne carinske deklaracije "Napomena o vrijednosti", te će u polju 46 biti samo taj iznos, jer carinski informacioni podsistem u tom slučaju ne može iskazati ispravnu statističku vrijednost.
9. Kod carinske deklaracije za *postupak carinskog skladištenja* u carinskom skladištu tipa A, B, C, E (ako je za isto odobrena primjena pravila koja se odnose na carinsko skladište tipa C) i F, polje 22 popunjava deklarant, u dobroj vjeri, prema podacima raspoloživim u trenutku podnošenja te deklaracije, a tač. 1. i 3. ovog polja primjenjuju se na odgovarajući način za popunjavanje (vidi napomene u tački 5. za polje 47 ovog priloga).

Polje 23: Kurs valute

1. U polje 23 upisuje se kurs valute između valute (u fakturi) upisane u prvoj podjeli polja 22 i valute Bosne i Hercegovine, koji važi na dan prihvatanja uvozne carinske deklaracije.

2. U polje 23 carinski informacijski podsistem automatski upisuje važeći kurs u skladu sa šifrom valute iz prve podjele polja 22, na osnovu svakodnevnog ažuriranja kursne liste u carinskom informacijskom podsistemu objavljene od Centralne banke Bosne i Hercegovine.
3. Strana valuta upisana u prvoj podjeli polja 22 preračunava se u valutu Bosne i Hercegovine (konvertibilna marka) prema srednjem i dnevnom kursu koji objavljuje Centralna banka Bosne i Hercegovine, a koji važi na dan prihvatanja predmetne uvozne carinske deklaracije (čl. 43. i 79. Zakona).

Polje 24: Vrsta posla

1. Popunjava se tako što se upisuje:
 - u prvu podjelu: šifra vrste predmetnog trgovinskog posla (transakcije) iz kolone A iz Priloga 24. Odluke,
 - u drugu podjelu: šifra vrste predmetnog trgovinskog posla iz kolone B iz Priloga 24. Odluke.
2. Šifre iz kolone A iz Priloga 24. Odluke upisuju se u prvu podjelu polja 24 uvozne carinske deklaracije (osim šifre 9, gdje to odgovara), a šifre iz kolone B u drugu podjelu ovog polja (na primjer, šifra 11 - kupovina robe uz plaćanje; šifra 15 - finansijski lizing; šifra 33 - druge pošiljke pomoći (pojedina ili nevladinih organizacija); šifra 41 - uvoz robe na obradu; i tako dalje).

Napomena: Kombinacije šifri iz kolone A i kolone B iz Priloga 24. Odluke sadržane su u Prilogu 5.

Polje 25: Način prijevoza na granici

Koristeći odgovarajuću šifru vrste prijevoza iz Priloga 5., upisuje se način prijevoza koji odgovara aktivnom prijevoznom sredstvu na kojem je roba ušla u carinsko područje Bosne i Hercegovine.

Polje 26: Način prijevoza u unutrašnjosti⁽⁹⁾

1. Koristeći odgovarajuću šifru iz Priloga 5., upisuje se način prijevoza u unutrašnjosti.
2. Polje 26 ne popunjava se kada se uvozne carinske formalnosti provode u carinskoj uredu u mjestu ulaska robe u carinsko područje Bosne i Hercegovine.

Napomena: Polje 26 popunjava se kada se roba predočava carinskoj uredu u mjestu koje nije mjesto ulaska robe u carinsko područje Bosne i Hercegovine, neovisno da li je predočenje u redovnom postupku u službenom mjestu rada carinskog ureda (na primjer, carinski terminal) ili u odobrenim prostorima deklaranta u pojednostavljenim carinskim postupcima), jer deklarant raspolaže podacima koji se upisuju u ovo polje.

Polje 29: Ulazni carinski ured⁽¹⁰⁾

1. Upisuje se šifra i naziv carinskog ureda iz Priloga 5. preko koje je roba ušla u carinsko područje Bosne i Hercegovine.
2. Polje 29 popunjava se:
 - kada se uvozna carinska deklaracija podnosi u ulaznom carinskom uredu neposredno po ulasku robe u carinsko područje Bosne i Hercegovine,
 - kada se završava prethodni postupak provoza ili privremeni smještaj,
 - kada se podnosi uvozna carinska deklaracija za robu koja napušta slobodnu zonu,

- u slučaju kada je, na osnovu dokumenata priloženih uz predmetnu uvoznu carinsku deklaraciju, moguće utvrditi preko kojeg graničnog prijelaza je roba ušla u carinsko područje Bosne i Hercegovine.

Polje 30: Mjesto robe⁽¹¹⁾

Polje 30 popunjava se kada se zahtijevani carinski postupak provodi po nepotpunoj uveznoj carinskoj deklaraciji ili po kućnom uveznom carinjenju, na način propisan posebnim odredbama koje reguliraju navedene postupke, i u drugom slučaju kada je to propisano i na način kako je propisano.

Polje 31: Pakovanje i opis robe; Oznake i brojevi; Kontejner br. - Broj i vrsta

1. Po jednoj uveznoj carinskoj deklaraciji može se prijaviti samo roba za koju je u svim naimenovanjima deklaracije ista šifra postupka u prvoj podjeli polja 37 te deklaracije.
2. U *treći red* uvezne carinske deklaracije, odvojeno kosom linijom "/", upisuje se ukupan broj svih paketa koji se odnosi na konkretno naimenovanje, zatim vrsta (na primjer: vreća, paket, karton, bala, ili drugo) i oznake paketa, odnosno druge odgovarajuće oznake koje omogućavaju identifikaciju pošiljke. Šifre vrste pakovanja navedene su u Prilogu 5.

Napomena: Ako se koriste kontejneri, upisuju se njihovi identifikacioni brojevi/oznake (vidi tačku 3. za polje 19 ovog priloga).

3. Ako se po uveznoj carinskoj deklaraciji prijavljuje roba u više naimenovanja koja je upakovana u jedno pakovanje:
 - podaci o tom pakovanju upisuju se u *treći red* polja 31 samo kod prvog naimenovanja, a
 - kod ostalih naimenovanja robe koja se nalazi u tom pakovanju u *treći red* ovog polja (Broj i vrsta pakovanja) upisuje se "0" (nula) i šifra vrste pakovanja iz prvog naimenovanja iz Priloga 5.
4. Ako je u pitanju neupakovana roba, u polje 31 upisuje se odgovarajuća sistemška šifra za rasuto stanje (rinfuza ili drugi različiti oblici) od raspoloživih sistemških šifri: "VY,VR,VQ,VL,VS,VO,VG", ovisno koje rasuto stanje je u pitanju.
5. Ako je u pitanju roba koja se prevozi fiksnim prijevoznim instalacijama, upisuje se na primjer, gas, nafta, električna energija ili drugo.
6. Ako se zbog nedostatka mjesta u polju 31 ne mogu upisati sve oznake pakovanja:
 - upisuje se: "Razno pakovanja-99211", a
 - uz uveznu carinsku deklaraciju prilaže se "specifikacija pakovanja", koja sadrži: broj, vrstu i oznake pakovanja, te referentne podatke specifikacije koji se upisuju u polje 44 pod odgovarajućom šifrom vrste dokumenta iz Priloga 5.
7. U *treći i ostale redove* ovog polja upisuje se naimenovanje robe iz Carinske tarife i, odvojeno kosom linijom "/", opis robe, uključujući tip, model i naziv proizvođača, kao i drugi podaci potrebni za neposrednu i nedvosmislenu identifikaciju i svrstavanje robe i po drugim tarifama i podatke propisane drugim propisima koji se primjenjuju u predmetnom zahtijevanom carinskom postupku. Opis robe sadrži i uobičajeni trgovački naziv robe.
8. U *treći i ostale redove* polja 31 upisuje se naimenovanje robe iz Carinske tarife i, odvojeno kosom linijom "/", opis robe, uključujući tip, model i naziv proizvođača, kao i drugi podaci potrebni za neposrednu i nedvosmislenu identifikaciju i svrstavanje robe. Opis robe mora garantirati nesumnjivo svrstavanje robe po Carinskoj tarifi i omogućiti pravilnu primjenu svih drugih propisa vezanih za vrstu robe i za zahtijevani carinski postupak. Na primjer, ako svrstavanje robe i/ili naplata akcize ovisi od određenog svojstva robe,

to se svojstvo (za alkoholna pića: postotak apsolutnog alkohola, volumen pakovanja; za duhanske preradevine: maloprodajna cijena i gramaža duhana za pušenje; za kahvu: oznaka mase), pored ostalih podataka, obavezno upisuje u polje 31 uvozne carinske deklaracije (vidi i tačku 11. ovog polja).

Uobičajeni trgovački naziv robe podrazumijeva navođenje vrste robe na način koji je uobičajen u svakodnevnom jeziku (a ne jezikom iz nomenklature) i dovoljno precizan da bi već na prvi pogled bilo jasno o kojoj se radi. Slijedom toga, opšte pojmove treba izbjegavati i zamijeniti preciznijim (kao na primjer, – prehrambeni proizvodi → naranče, čokolada, keksi, džem od jagoda, konzervirani ananas, voćni čaj ..., – odjeća → muške košulje, ženske hlače, dječije pidžame, kišne kabanice, kožne rukavice ..., – obuća → ženske cipele, ženske sandale, japanke, muške gležnjače ..., – stolni proizvodi → tanjiri, šalice, zdjele, noževi, solanici ..., – dijelovi mašina → pumpe, kućišta, ležajevi ..., – autodijelovi → kočnice, vjetrobranska stakla, amortizeri, branici ...).

Opis robe mora biti potpun, jasan i precizan tako da se lako može identifikovati to jest prepoznati koja je roba predmet konkretnog carinskog postupka. Navođenje podataka za identifikaciju robe posebno je bitno kod pošiljki sa većim brojem artikala i kod carinskih deklaracija sa većim brojem naimenovanja.

Opis robe sadrži i uobičajeni trgovački naziv robe.

Primjer: Opis "čokolada" u polju 31, uz prijavljenu tarifnu oznaku 1806 31 00 00 ne omogućava provjeru svrstavanja (nedostaju podaci o obliku proizvoda (u pločama ...?), o pojedinačnoj neto masi (veće od 2 kg ...?), da li je punjena ili nepunjena i tako dalje, niti omogućava jasnu identifikaciju (nedostaje trgovački naziv, na primjer Milka hazelnuts 100 g, bez takvog opisa nije moguće nedvosmisleno provjeriti prijavljene podatke u odnosu na predočenu robu i prateće dokumente).

9. Izuzetno od tačke 7. ovog polja, u slučajevima u kojima se primjenjuje tarifni broj 9905 00 00 00 i 9919 00 00 00 iz Podglave I Glave 99 Carinske tarife (za prijavljivanje robe koja ispunjava uvjete za carinske povlastice pri uvozu navedene u naimenovanju tih tarifnih brojeva, uz poštivanje ograničenja propisanih tačkom 2. navedene Podglave I) u polje 31 uvozne carinske deklaracije upisuje se odgovarajuće "zajedničko naimenovanje" iz Podglave I Glave 99 Carinske tarife (na primjer, "Određene robe, kako je predviđeno carinskim propisima u vezi oslobađanja od uvoznih i izvoznih dažbina: ostala roba, osim one navedene prethodno: lična imovina naslijeđena u drugoj državi" - ako se koristi tarifna oznaka 9919 00 00 00; ili "Određene robe, kako je predviđeno carinskim propisima u vezi oslobađanja od uvoznih i izvoznih dažbina: lična imovina fizičkog lica koje prenosi svoje uobičajeno prebivalište" - ako se koristi tarifna oznaka 9905 00 00 00, i tako dalje). U tim slučajevima, uz uvoznju carinsku deklaraciju, prilaže se "specifikacija robe", u kojoj opis robe mora biti dovoljno precizan da omogućava njenu identifikaciju. Referentni podaci o specifikaciji robe upisuju se u polje 44 uvozne carinske deklaracije pod odgovarajućom šifrom iz Priloga 5.

Napomene:

1. Primjena Glave 99 Carinske tarife omogućava pojednostavljeni način popunjavanja uvozne carinske deklaracije odnosno pojednostavljeno svrstavanje kada je, u slučajevima u kojima je propisana njena primjena uz poštivanje ograničenja propisanih istom, pošiljka sastavljena od robe koja potpada pod više različitih tarifnih oznaka (podbrojeva), na način da se u tim slučajevima ne mora svaka roba iz pošiljke posebno svrstati u odgovarajuću tarifnu oznaku (podbroj) Carinske tarife, nego se koristi odgovarajuće "zajedničko naimenovanje" i upisuje jedna odgovarajuća tarifna oznaka iz Glave 99 Carinske tarife. Uz carinsku deklaraciju podnosi se "specifikacija robe".
2. Glava 99 Carinske tarife ne primjenjuje se u slučajevima samo kada je u pitanju jedna vrsta robe (roba koja je u pitanju svrstava se u jednu tarifnu oznaku), u kom slučaju se za tu robu koristi redovna tarifna oznaka (podbroj) Carinske tarife.

10. Ako šifra robe u polju 33 ovisi od veličine, mase ili drugih fizičkih parametara, naimenovanje u polju 31 treba sadržavati i te podatke.

Napomena: Obzirom da je kod aluminijskih folija jedan od kriterija za svrstavanje "debljine ne manje od 0,021 mm, ali ne veće od 0,2 mm" i "ostalo", u opisu treba navesti konkretnu debljinu folije koja se uvozi (0,023 mm, 0,025 mm, ...), a ne raspon dimenzija naveden u nomenklaturi.

11. Ako je u pitanju akcizna roba koja je obilježena akciznim markicama u polje 31, poslije opisa robe koji *obavezno uključuje i određena svojstva predmetne akcizne robe* (za alkoholna pića: postotak apsolutnog alkohola, volumen pakovanja; za duhanske prerađevine: maloprodajna cijena i gramaža duhana za pušenje; za kahvu: oznaka mase) od kojih ovisi svrstavanje te robe i/ili naplata akcize, upisuju se i podaci o akciznim markicama kojima je ta roba obilježena, to jest upisuje se, odvojeno kosom linijom "/", sljedeće:
- podaci o regionalnom centru čiji je pomoćni trezor izdao otpremnicu (BL, TZ, SA ili MO),
 - oznaka "OT" i broj i datum otpremnice,
 - slovna oznaka serije i interval serijskih brojeva akciznih markica (od - do) iz otpremnice za akcizne markice iz kog intervala su akcizne markice sa kojima je predmetna roba obilježena i
 - ovisno koja akcizna roba je u pitanju, ukupan broj paklica predmetnih cigareta odnosno ukupan broj komada akciznih proizvoda pojedinačno obilježenih akciznim markicama (sve upisano, na primjer, glasi: "SA/OT/03/02/23/E1980001-2080000-15000 komada"),
 - u nedostatku mjesta u polju 31, podaci o akciznim markicama upisuju se u polje 44 uvozne carinske deklaracije pod odgovarajućom šifrom iz Priloga 5.

Polje 32: Naimenovanje broj

1. Upisuje se redni broj predmetnog naimenovanja pod kojim se roba prijavljuje u uvoznj carinskoj deklaraciji u odnosu na ukupan broj naimenovanja prijavljenih u upotrijebljenim obrascima i kontinuiranim obrascima, kako je navedeno u tekstu za polje 5 ovog priloga.
2. Polje 32 carinski informacijski podsystem automatski popunjava rednim brojem predmetnog naimenovanja, u odnosu na ukupan broj prijavljenih naimenovanja, kako je navedeno u tekstu za polje 5 ovog priloga.
3. U jednoj uvoznj carinskoj deklaraciji ukupan broj naimenovanja može biti najviše 100.

Polje 33: Šifra robe

1. Popunjava se tako što se upisuje:
 - u prvu podjelu: prvih osam cifara tarifne oznake (podbroja) Carinske tarife koja odgovara predmetnom naimenovanju,
 - u drugu podjelu: deveta i deseta cifra tarifne oznake iz prve podjele, te odgovarajuća "dodatna sistemska šifra" iz Priloga 5., koja znači jedanaestu cifru u polju 33.
2. "Dodatna sistemska šifra" omogućava, prema potrebi, precizno razvrstavanje po dodatnim tarifama zbog primjene određenih propisa ili ako je robu iste vrste potrebno razlikovati, na primjer, po vrijednosti, kvalitetu, sastavu ili drugim karakteristikama. Korištenjem "dodatne sistemske šifre" mogu se razdvojiti robe iz iste tarifne oznake, na primjer: kod uvoza akciznih proizvoda kod kojih sadržaj određenih supstanci/materija opredjeljuje njeno oporezivanje akcizom, kod uvoza robe dvojne namjene ili druge robe koja podliježe dozvoli za uvoz, kod uvoza robe prijavljene za posebnu upotrebu (čl. 228. do 237. Odluke) ili drugo.
3. Kod uvozne carinske deklaracije za postupak carinskog skladištenja u carinskom skladištu tipa A, B, C, D, E i F polje 33 popunjava se u skladu sa tač. 1. i 2. ovog polja.

Polje 34: Šifra države porijekla

1. U polje 34a upisuje se odgovarajuća šifra iz Priloga 5. za državu porijekla robe konkretnog naimenovanja, kako je definirana u Glavi II (Porijeklo robe) Dio drugi Zakona (nepreferencijalno porijeklo robe: čl. 27. do 32. Zakona; preferencijalno porijeklo: čl. 33. do 35. Zakona).
2. U uvoznim carinskim postupcima u kojima se polje 34 ne popunjava, zbog tehničkih zahtjeva carinskog informacionog podsistema, mora se popuniti polje 34 upisivanjem dvoslovne systemske šifre "QQ" (znači: Različite države).

Polje 35: Bruto masa (kg)

1. Upisuje se bruto masa robe navedene u odgovarajućem polju 31, izražena u kilogramima, zaokružena na dva decimalna mjesta.
2. Bruto masa je ukupna (zbirna) masa robe sa svom ambalažom (pakovanjem), osim kontejnera i druge opreme za prijevoz.
3. Ako je u pitanju prijevoz fiksnim prijevoznim instalacijama, u polje 35 upisuje se vrijednost "0,01".

Polje 36: Povlastice

1. Upisuje se odgovarajuća šifra za državu porijekla robe iz Priloga 5., a u vezi primjene sporazuma o preferencijalnoj trgovini zaključenim između Bosne i Hercegovine i druge države ili grupe država koji je u pitanju.
2. Kod uvozne carinske deklaracije, carinski informacioni podsistem provjerava da li je šifra države porijekla robe upisana u polje 34a usklađena sa šifrom upisanom u polje 36.

Polje 37: P O S T U P A K

1. Popunjava se tako što se upisuje:
 - u prvu podjelu: šifra zahtijevanog uvoznog carinskog postupka za robu koja se prijavljuje iz Priloga 5.
Ta šifra sastoji se od četiri cifre, od kojih se prve dvije cifre odnose na zahtijevani carinski postupak, a posljednje dvije cifre na prethodni postupak.
Ako nije bilo prethodnog postupka ili ako je prethodni postupak bio postupak provoza, posljednje dvije cifre te šifre su "00" (dvije nule),
 - u drugu podjelu: odgovarajuća šifra iz Priloga 5., koja se odnosi na pobliže navođenje zahtijevanog uvoznog carinskog postupka iz prve podjele polja 37.
2. Šifra koja se upisuje u drugu podjelu polja 37 mora se odnositi na zahtijevani uvozni carinski postupak iz prve podjele tog polja. U svakom slučaju u kojem je neophodno precizirati zahtijevani postupak, u drugu podjelu polja 37 upisuje se jedna od odgovarajućih šifri iz Priloga 5. Ako niti jedna od predviđenih šifri za drugu podjelu polja 37 nije odgovarajuća za zahtijevani uvozni carinski postupak, u drugu podjelu upisuje se šifra "000" (tri nule).
3. U slučaju kada se druga podjela polja 37 mora popuniti, a postoji više od jedne šifre koja se može koristiti u određenom slučaju, s obzirom da se u drugu podjelu polja 37 ne mogu upisati dvije šifre u isto vrijeme, upisuje se ona šifra koja najviše odgovara predmetnom uvoznom carinskom postupku, dok se preostale šifre mogu upisati u polje 44 predmetne uvozne carinske deklaracije.

4. "Prethodni postupak" je carinski postupak u kojem je roba bila prije nego što je stavljena u zahtijevani postupak.
5. Četverocifrene šifre carinskih postupaka (to jest moguće kombinacije šifri zahtijevanog i prethodnog postupka) za prvu podjelu polja 37 sadržane su u Prilogu 5.

<i>Primjeri:</i>	<p>4051 = puštanje u slobodan promet robe koja je prethodno bila stavljena u postupak unutarnje obrade (sistem odgođenog plaćanja).</p> <p>6121 = puštanje u slobodan promet robe koja je bila privremeno izvezena u okviru carinskog postupka vanjske obrade te koja se pri ponovnom uvozu stavlja u postupak carinskog skladištenja = 6121 (a ne 6171).</p> <p>Prvi postupak: privremeni izvoz radi vanjske obrade = 2100; drugi postupak: skladištenje u carinskom skladištu = 7121; treći postupak: puštanje u slobodan promet = 6121 (vidi Prilog 5., za polje 37/prva podjela).</p>
<i>Napomena:</i>	<p>U slučaju kada se završava postupak s ekonomskim dejstvom, a roba se između tog postupka i postupka kojim se on završava kretala po postupku provoza, u tom slučaju, u prvoj podjeli polja 37 uvozne carinske deklaracije kojim se završava postupak s ekonomskim dejstvom koji je u pitanju kao posljednje dvije cifre šifre postupka ne koristi se "00" (dvije nule, koje u ovom slučaju znače da je bio provoz) nego dvije cifre koje se odnose na postupak s ekonomskim dejstvom koji se završava (razdužuje).</p>
<i>Primjer:</i>	<p>Postupak carinskog skladištenja u carinsko skladište u koje se roba premješta iz drugog carinskog skladišta (gdje je primjenjivo), u situacijama kada otpusni carinski ured za skladište iz kojeg se roba premješta i prijavni carinski ured za skladište u koje se premješta nisu isti uredi, te se radi toga roba kretala po postupku provoza između tih ureda = 7171 (a ne 7100).</p> <p>Prvi postupak = 7100; drugi postupak je provoz = 00; postupak carinskog skladištenja nakon postupka carinskog skladištenja = 7171.</p> <p>Navedeno odgovarajuće se primjenjuje i kod drugog uvoznog postupka s ekonomskim dejstvom koji se završava, a roba se između tog postupka i postupka kojim se on završava kretala po postupku provoza kada su različiti otpusni carinski ured za postupak koji se završava i prijavni ured za postupak kojim se završava.</p>

Polje 38: Neto masa (kg)

1. Upisuje se neto masa robe navedene u odgovarajućem polju 31, izražena u kilogramima, zaokružena na dva decimalna mjesta.
2. Neto masa je masa same robe bez bilo kojeg pakovanja (ambalaže).
3. Ako je u pitanju prevoz fiksnim prijevoznim instalacijama, u polje 38 upisuje se vrijednost "0,01".

<i>Napomene:</i>	<ol style="list-style-type: none"> 1. U polje 38 moraju se upisati stvarni podaci za neto masu po naimenovanjima. Raspodjela neto mase po naimenovanjima na proporcionalan način u odnosu na vrijednost naimenovanja nije zakonski osnovano, a može imati za posljedicu netačne statističke podatke i pogrešno utvrđen carinski dug. 2. "Pakovanje" znači materijale i elemente koji se koriste u svim operacijama pakovanja za umotavanje, čuvanje ili zaštitu proizvoda ili supstanci tokom prijevoza (Preporuka 21. UN/ECE-a). <p>Različite vrste pakovanja čija težina nije uključena u neto masu (zbog činjenice da se koriste samo u prijevozu) navedene su u Prilogu 5. (tekst za polje 31).</p> <p>Izraz "pakovanje" uključuje sve proizvode, posebno pakovanje koje se koristi kao vansjki ili unutarnji poklopac robe, držači na koje je roba namotana, umotana ili pričvršćena, kontejneri (osim onih definiranih međunarodnim konvencijama) i kutije.</p>
------------------	---

Izraz "pakovanje" ne uključuje prijevozna sredstva ili dijelove prijevozne opreme kao što su palete i teretni kontejneri.

Primjer: Kompanija uvozi 1.000 boca vina. Svaka *boca* vina teži 1,25 kg, a *vina* u svakoj boci ima 0,75 kg. U polje 38 upisuje se broj 750 (a ne vrijednost jedinice).

Polje 39: Kvota

Ako deklarant, u skladu sa članom 238. Odluke, zahtijeva korištenje tarifne kvote, u polje 39 uvozne carinske deklaracije upisuje se odgovarajuća šifra iz Priloga 5., ovisno koju tarifnu kvotu zahtijeva, a referentni podaci o odgovarajućoj odluci o odobravanju tražene kvote upisuju se u polje 44. U protivnom, polje 39 ne popunjava se.

Polje 40: Skraćena deklaracija/Prethodni dokument

1. Polje 40 popunjava se samo ako postoji prethodni dokument ili je postupku zahtijevanom po predmetnoj uvoznj carinskoj deklaraciji prethodio drugi carinski postupak.
2. Koristeći odgovarajuću šifru iz Priloga 5., u treću podjelu polja 40 upisuju se referentni podaci o dokumentu koji se odnosi na postupak prije zahtijevanog predmetnog uvoznog postupka (prethodni dokument).
3. U polje 40 upisuju se alfanumeričke šifre, koje se sastoje iz tri dijela (ili četiri dijela, prema potrebi):
 - 40/1: šifra kategorije prethodnog dokumenta,
 - 40/2: šifra (skraćena) za vrstu prethodnog dokumenta,
 - 40/3: broj (identifikacioni broj ili drugi prepoznatljiv referentni podatak) prethodnog dokumenta,
 - 40/4: broj naimenovanja robe, prema potrebi.
4. Ako je potrebno upisati više prethodnih dokumenata:
 - u treću podjelu polja 40: "Razno dokumenta-99211", a
 - uz predmetnu uvoznj carinsku deklaraciju prilaže se "specifikacija prethodnih dokumenata" koja sadrži: referentne podatke specifikacije, sve relevantne podatke o svim prethodnim dokumentima kako je propisano za ovo polje i podatak uz svako naimenovanje o *bruto masi* koja se razdužuje, ovisno od konkretnog slučaja. Referentni podaci specifikacije upisuju se u polje 44 pod odgovarajućom šifrom vrste dokumenta iz Priloga 5.
5. Ako je prethodni dokument sastavljen na obrascu JCI, skraćena za dokument sastoji se od:
 - šifre koja se primjenjuje za prvu podjelu polja 1 (IM ili EX) ili
 - šifre koja se primjenjuje za treću podjelu polja 1 za postupak provoza (vanjski) u Bosni i Hercegovini (T1).
6. Ako je prethodni carinski postupak proveden na osnovu usmene carinske deklaracije koju nije pratio "priloženi dokument" (na primjer, "popis robe") uz tu usmenu deklaraciju (vidi član 355. stav (4) i član 357. stav (3) Odluke), ili je postupak proveden na osnovu carinske deklaracije podnijete drugom radnjom (član 164. Odluke):
 - u treću podjelu polja 40: upisuje se odgovarajuća šifra iz Priloga 5.
7. Ako ne postoji prethodni postupak:
 - u treću podjelu polja 40: upisuje se broj "1".
8. Kod uvozne carinske deklaracije koja se popunjava korištenjem carinskog informacionog podsistema koristi se samo *treća* podjela polja 40 za upisivanje referentnog podatka o prethodnom dokumentu, dok se redni broj naimenovanja iz prethodnog dokumenta upisuje u *četvrtu* podjelu tog polja.

9. Ako se sva roba iz prethodnog dokumenta razdužuje predmetnom uvoznom carinskom deklaracijom tada se u polju 40 ne navodi broj naimenovanja iz prethodnog dokumenta.
10. U Prilogu 5. naveden je opis strukture šifri, šifre i objašnjenja za popunjavanje polja 40.

Polje 41: Dopunska jedinica mjere

1. Upisuje se količina robe iz predmetnog naimenovanja izražena u "dopunskoj jedinici" iz "kolone 3" Carinske tarife (zaokružena na dva decimalna mjesta, gdje je primjenjivo, ovisno od jedinice mjere).
2. Polje 41 carinski informacijski podsistem otvara ovisno od tarifne oznake robe upisane u polju 33 predmetnog naimenovanja u predmetnoj uvoznj carinskoj deklaraciji, te se u otvoreno polje 41 upisuje količina robe iskazana u naznačenoj dopunskoj jedinici koja je propisana Carinskom tarifom (kolona 3).

Napomena: Dopunske jedinice predstavljaju specifični vid dalje podjele nomenklature za potrebe provođenja određenih propisanih mjera, odnosno u statističke svrhe. Kada se koriste u vezi s tarifnim mjerama, različita dopunska jedinica u pravilu znači i različitu visinu dažbina, zbog čega je ispravno prijavljivanje dopunske jedinice od presudnog značaja za ispravno utvrđivanje uvoznog carinskog duga.

Polje 42: Cijena robe

1. Upisuje se iznos u valuti iskazanoj u prvoj podjeli polja 22 za robu prijavljenu u predmetnom naimenovanju. Ista predstavlja dio ukupne fakturirane vrijednosti iz druge podjele polja 22 u skladu sa uvjetima isporuke.
2. Zbir vrijednosti upisanih u polju 42 u svim naimenovanjima jednaka je vrijednosti upisanoj u polje 22.
3. U carinskoj deklaraciji za *ponovni uvoz dobijenih proizvoda nastalih u postupku vanjske obrade* upisuje se iznos koji je jednak dodanoj vrijednosti (vrijednost strane robe korištene u vanjskoj obradi i vrijednost usluga) (vidi polje 22 ovog priloga).
4. Kod uvozne carinske deklaracije carinski informacijski podsistem automatski popunjava ovo polje nakon pravilnog upisivanja podataka u dodatni ekran predmetne carinske deklaracije "Napomena o vrijednosti", pri čemu se primjenjuju i sljedeća pravila:
 - puni iznos iz fakture, upisan u polju 22, bit će automatski prikazan u dodatnom ekranu "Napomene o vrijednosti - *opći dio*", a zatim treba pravilno upisati iznose troškova i popusta koji utiču na utvrđivanje carinske vrijednosti, kao što su troškovi prijevoza, osiguranja, ostali troškovi i popusti, kao i ukupan iznos unutarnjih ovisnih troškova koji utiču na utvrđivanje osnovice za porez na dodanu vrijednost,
 - u dodatni ekran "Napomena o vrijednosti - *dio za naimenovanje*" predmetne uvozne carinske deklaracije upisuje se vrijednost robe iz fakture koja se odnosi na konkretno naimenovanje u valuti iz polja 22, a upisane troškove i popuste u "Napomena o vrijednosti - *opći dio*" raspodijelit će carinski informacijski podsistem po naimenovanjima srazmjerno vrijednosti robe iz tih naimenovanja,
 - ako se neki troškovi i popusti ne odnose na sva naimenovanja potrebno je u carinskom informacijskom podsistemu u dodatnom ekranu predmetne uvozne carinske deklaracije "Napomena o vrijednosti" isključiti opciju "Raspodjela po vrijednosti", a uključiti opciju: "Nema dodjele" te, u tom slučaju, raspodjelu troškova i popusta po naimenovanjima izvršiti ručno a njihove iznose upisati u dodatni ekran predmetne uvozne carinske deklaracije "Napomena o vrijednosti - *dio za naimenovanje*",
 - ukupan iznos unutarnjih ovisnih troškova koji ulaze u osnovicu za porez na dodanu vrijednost, a ne ulaze u carinsku vrijednost, upisuju se u dodatni ekran predmetne uvozne carinske deklaracije "Napomena o vrijednosti" - stavka pod nazivom "unutarnji ovisni troškovi".

5. Polje 42 u carinskoj deklaraciji za postupak carinskog skladištenja u carinskom skladištu tipa D popunjava se kao u tač. 1., 2. i 4. ovog polja.
6. Polje 42 u carinskoj deklaraciji za *postupak carinskog skladištenja* u carinskom skladištu tipa A, B, C, E (ako je za isto odobrena primjena pravila koja se odnose na carinsko skladište tipa C) i F, popunjava deklarant, u dobroj vjeri, prema podacima raspoloživim u trenutku podnošenja predmetne deklaracije, a tač. 1., 2. i 4. ovog polja primjenjuju se na odgovarajući način za popunjavanje.

Polje 43: Metod vrednovanja (MV)

Koristeći odgovarajuću šifru iz Priloga 5., upisuje se metod koji je primijenjen za utvrđivanje carinske vrijednosti.

Polje 44: Dodatne informacije/Priloženi dokumenti/Potvrde i odobrenja

1. Koristeći odgovarajuću šifru iz Priloga 5., u polje 44 upisuju se podaci u skladu sa svim primjenjivim posebnim pravilima, zajedno sa referentnim podacima dokumenata priloženih uz uvoznu carinsku deklaraciju i/ili dodatnih informacija koje trebaju biti upisane u ovo polje. Ako podaci nisu određeni u obliku šifre iz Priloga 5., upisuju se riječima.
2. Ako se koriste obe vrste, prvo se navode šifarski, a zatim tekstualni podaci.
3. Za informacije i priložene dokumente koji se odnose na sva naimenovanja uvozne carinske deklaracije, šifre i referentni podaci o istima upisuju se u polje 44 samo kod prvog naimenovanja.
4. Za informacije i priložene dokumente koji se odnose samo na određeno naimenovanje predmetne uvozne carinske deklaracije, šifre i referentni podaci o istima upisuju se u polju 44 tog konkretnog naimenovanja i oni se odnose samo na robu iz tog naimenovanja.
5. Polje 44 koristi se za prikaz podataka o dokumentima, potvrdama i odobrenjima koji se prilažu uz uvoznu carinsku deklaraciju, te dodatnih informacija (podataka) neophodnih za provođenje predmetnog uvoznog postupka. Slijedom toga, u polje 44 upisuju se:
 - odgovarajuća vrsta i iznos (zaokružen na dva decimalna mjesta) troškova i popusta i ovisnih unutarnjih troškova,
 - vrstu i iznos troškova i popusta (koji, ovisno od pariteta isporuke, utiču na utvrđivanje carinske vrijednosti) i iznos ovisnih unutarnjih troškova (koji ulaze u osnovicu poreza na dodanu vrijednosti), a koji se odnose na svu robu (sva naimenovanja) prijavljenu po predmetnoj uvoznju carinskoj deklaraciji carinski informacijski podsystem automatski ispisuje u polje 44 samo kod prvog naimenovanja te deklaracije, a one koji se odnose samo na pojedine robe taj podsystem automatski ispisuje u polje 44 naimenovanja tih roba, a na osnovu podataka unijetih u dodatni ekran predmetne uvozne deklaracije "Napomena o vrijednosti",
 - podaci o vrsti i broju (identifikacioni broj ili drugi prepoznatljiv referentni podatak) priloženih dokumenata (podaci o traženom odgovarajućem uvjerenju, dozvoli, certifikatu, odobrenju i/ili drugim dokumentima koja se prilažu uz uvoznu carinsku deklaraciju, ovisno od zahtijevanog predmetnog uvoznog postupka i robe koja je u pitanju),
 - prema potrebi, podaci o carinskim odobrenjima/odlukama (šifra odobrenja/odluke iz Priloga 5. ako je propisana tim prilogom ili drugim aktom, broj i godina odobrenja za provođenje postupka iz polja 37 uvozne carinske deklaracije i šifra nadzornog carinskog ureda),
 - podaci u vezi statusa AEO (ovlašteni privredni subjekt) gdje postoji, koristeći odgovarajuću šifru i opis kako je navedeno u Prilogu 5.,
 - specifične oznake propisane čl. 402. i 403. Odluke, gdje je primjenjivo,
 - drugi podaci koje se zahtijevaju prema carinskim ili drugim propisima primjenjivim u zahtijevanom uvoznju carinskom postupku,

- druge dodatne informacije ("šifra/opis", ako je šifra propisana).
6. Ako se carinska deklaracija za predmetni uvozni carinski postupak kojom se završava postupak carinskog skladištenja podnosi carinskom uredu koji nije ujedno i nadzorni carinski ured, upisuje se šifra (an8) i naziv nadzornog carinskog ureda.
 7. U polje 44 uvozne carinske deklaracije, gdje to odgovara, upisuju se i:
 - podaci propisani tačkom 12. treća alineja, tačkom 14. druga alineja i tačkom 16. treća alineja za polje 8 ovog priloga,
 - odgovarajuća šifra iz Priloga 5. i propisani rok zabrane otuđenja za predmetnu carinsku povlasticu (vidi tekst za šifru "RZCP" u Šifarniku 18. (18.3.) u Prilogu 5.).
 8. Ako u polju 44 nema dovoljno mjesta za upisivanje priloženih dokumenata i informacija:
 - uz predmetnu uvoznu carinsku deklaraciju prilaže se "specifikacija priloženih dokumenata i informacija", koja za iste sadrži podatke propisane za popunjavanje polja 44, kao i referentne podatke same specifikacije, a
 - referentni podaci specifikacije upisuju se u polje 44 pod odgovarajućom šifrom vrste dokumenta iz Priloga 5.
 9. Podjela "Šifra D.I." (šifra dodatnih informacija) ne smije se popuniti (mora ostati prazna).
 10. Šifre koje se koriste za prikaz podataka u polju 44 i određena objašnjenja data su u Prilogu 5.
 11. Kod uvozne carinske deklaracije u carinskom informacionom podsistemu:
 - u prvom redu polja 44: nalaze se (prikazani su) samo iznosi troškova i popusta upisanih u dodatni ekran predmetne uvozne carinske deklaracije "Napomena o vrijednosti" i to za predmetno naimenovanje,
 - u drugom redu polja 44: nalaze se samo šifre priloženih dokumenata zahtijevane od strane carinskog informacionog podsistema za odgovarajući uvozni carinski postupak. Šifre za ostale dokumente potrebne za zahtijevani uvozni postupak, koje carinski informacioni podsistem automatski ne zahtijeva, obavezno upisuje deklarant izborom iz Priloga 5. odgovarajuće šifre za svaki dokument koji je u pitanju,
 - referentni podaci o svim dokumentima priloženim uz predmetnu uvoznu carinsku deklaraciju: upisuju se u dodatni ekran te deklaracije "Priloženi dokumenti", prilikom provjere u fazi sačinjavanja uvozne carinske deklaracije.

Polje 46: Statistička vrijednost

1. Upisuje se vrijednost robe iz predmetnog naimenovanja, izražena u valuti Bosne i Hercegovine, na paritetu franko granica Bosne i Hercegovine.
2. Ako je ugovorena isporuka robe u drugoj državi upisuje se vrijednost iz fakture uvećana za troškove prijevoza, osiguranja i slanja robe od mjesta isporuke u drugoj državi do granice Bosne i Hercegovine.
3. Ako je ugovorena isporuka robe u Bosni i Hercegovini, upisuje se vrijednost iz fakture umanjena za troškove prijevoza, osiguranja i slanja robe od granice Bosne i Hercegovine do mjesta isporuke u Bosni i Hercegovini.
4. U carinskoj deklaraciji za *ponovni uvoz dobijenih proizvoda nastalih u postupku vanjske obrade*, u polje 46 upisuje se iznos kojeg čine ukupna vrijednost robe privremeno izvezene radi postupka vanjske obrade, vrijednost usluga, vrijednost strane robe korištene (ugrađene) u postupku vanjske obrade i vrijednost drugih troškova nastalih izvan carinskog područja Bosne i Hercegovine (to jest kao da je roba bila proizvedena u cijelosti u državi vanjske obrade).
5. Iznosi koji se upisuju u polje 46 zaokružuju se na dva decimalna mjesta.

6. Polje 46 carinski informacijski podsystem automatski popunjava na osnovu podataka u uvoznj carinskoj deklaraciji koje je upisao deklarant, to jest ovisno od pravilnog popunjavanja polja 22 i pravilno upisanih iznosa troškova i popusta koji utiču na carinsku vrijednost, što je odgovornost deklaranta/zastupnika shodno članu 131. stav (1) Odluke i odredbi osmog stava Odjeljka C, Glava I Priloga 23. Odluke.

Polje 47: Obračun dažbina⁽¹³⁾

1. Iznosi u polju 47 moraju biti iskazani u valuti Bosne i Hercegovine.
2. U polje 47 upisuje se primjenjiv osnov za obračun dažbina (vrijednost, težina ili drugo).
3. Polje 47 popunjava se tako što se upisuje:
 - u prvu podjelu (vrsta): šifra vrste dažbine (na primjer, carina, porez na dodanu vrijednost, akciza) iz Priloga 5.,
 - u drugu podjelu (osnovica): osnovica za obračun dažbine (vrijednost ili količina robe ili druga propisana osnovica za obračun dažbine iz prve podjele),
 - u treću podjelu (stopa): stopa dažbine i/ili jedinica mjere dažbine iz prve podjele koja se primjenjuje,
 - u četvrtu podjelu (iznos): iznos dažbine koji treba platiti,
 - u petu podjelu (NP): izabrani način plaćanja, i to kod svake dažbine, korištenjem jedne od sljedećih šifri načina plaćanja dažbina ili osiguranje:
 - šifra "0": osiguranje garancijom,
 - šifra "1": plativa dažbina ili
 - šifra "2": nema plaćanja,
 - u zadnji red (ukupno): ukupan iznos svih obračunatih dažbina za predmetno naimenovanje.
4. Ako po uvoznj carinskoj deklaraciji ima prijavljeno više od jednog naimenovanja, polje 47 (namijenjeno za zbirni iznos dažbina za sva naimenovanja) popunjava se i na nivou carinske deklaracije i to nakon poslednjeg naimenovanja predmetne uvozne carinske deklaracije. U zadnjem redu polja 47, poslije riječi "ukupno" upisuje se zbirni iznos svih dažbina obračunatih za plaćanje i šifra "1" (plativa dažbina).
5. Polje 47 druga podjela (osnovica) u uvoznj carinskoj deklaraciji za *postupak carinskog skladištenja* u carinskom skladištu tipa A, B, C, E (ako je za isto odobrena primjena pravila koja se odnose na carinsko skladište tipa C) i F popunjava deklarant/zastupnik, u dobroj vjeri, prema podacima raspoloživim u trenutku podnošenja te deklaracije.

Napomena: Iznosi upisani u polju 47 carinske deklaracije za *postupak carinskog skladištenja* u carinskom skladištu tipa A, B, C, E (ako je za isto odobrena primjena pravila koja se odnose na carinsko skladište tipa C) i F *ne predstavljaju stvarno obračunati dug odnosno dažbine*. Ti podaci potrebni su radi praćenja odnosno "sistemske kontrole" položenog osiguranja za plaćanje dažbina od strane carinskog informacijskog podsystema.

Kada za robu stavljenu u postupak carinskog skladištenja u carinskom skladištu tipa A, B, C, E (ako je za isto odobrena primjena pravila koja se odnose na carinsko skladište tipa C) i F dođe do nastanka duga, iznos duga odnosno dažbina obračunava se prema propisima za određivanje visine duga koji za tu robu važe na dan nastanka duga (član 239. Zakona).
6. Kod uvozne carinske deklaracije, u svim uvoznim carinskim postupcima, carinski informacijski podsystem automatski obračunava dažbine (indirektne poreze) prema podacima upisanim od strane deklaranta u ostalim poljima predmetne uvozne carinske deklaracije primjenom tač. 1. do 5. ovog polja.
7. Polje 47 uvozne carinske deklaracije popunjava se samo ako je nastala obaveza plaćanja ili osiguranja dažbina odnosno duga.

8. Ako nastaje obaveza plaćanja ili osiguranja samo za neku dažbinu (na primjer, roba je oslobođena od plaćanja carine, ali se plaća porez na dodanu vrijednost) tada se polje 47 ne popunjava samo za onu dažbinu za koju ne nastaje obaveza plaćanja ili osiguranja.

Polje 48: Odgođeno plaćanje

1. Upisuje se, odvojeno kosom linijom "/", šifra vrste osiguranja iz Priloga 5., broj i godina pod kojim je osiguranje, kojim se osigurava plaćanje dažbina u predmetnom postupku puštanja robe u slobodan promet za vrijeme općeg roka (do 10 dana) za plaćanje duga (dažbina) propisanog članom 247. Zakona, prihvaćeno od strane nadležne organizacione jedinice Uprave za indirektno oporezivanje (garantni ured) i šifra te organizacione jedinice iz Priloga 5.
2. Ako u postupku puštanja robe u slobodan promet nastaje obaveza plaćanja dažbina (duga) njihovo plaćanje može biti osigurano valjanim osiguranjem samo za vrijeme općeg roka (do 10 dana) za plaćanje carinskog duga propisanog članom 247. Zakona.
3. Ako u postupku puštanja robe u slobodan promet nastaje obaveza plaćanja dažbina a polje 48 uvozne carinske deklaracije za taj postupak nije popunjeno (nije položeno osiguranje), mora se odmah izvršiti plaćanje obračunatih dažbina. U tom slučaju, shodno članu 86. Zakona, roba ne može biti puštena deklarantu (ne može deklarantu biti dostupna ni Otpremnica, vidi član 19. stav (10) ovog uputstva) dok se ne izvrši plaćanje obračunatih dažbina.

Polje 49: Identifikacija skladišta^{(17) (19) (20)}

1. U polje 49 upisuje se identifikacioni broj carinskog skladišta iz odobrenja za držanje carinskog skladišta koje je u pitanju.
2. Polje 49 popunjava se:
 - u postupku carinskog skladištenja, i
 - ako se carinska deklaracija za stavljanje robe u zahtijevani uvozni carinski postupak koristi za završetak postupka carinskog skladištenja (na primjer, puštanje robe u slobodan promet uz plaćanje dažbina nakon postupka carinskog skladištenja - postupak "4071").
3. Kod uvozne carinske deklaracije u carinskom informacionom podsistemu polje 49 sastoji se od dva dijela, koje taj podsistem prema potrebi otvara, a upisuje se:
 - u prvi dio polja: identifikacioni broj carinskog skladišta u koje se predmetna roba smješta ili u kojem je predmetna roba prethodno smještena, ovisno koja je situacija iz tačke 2. ovog polja u pitanju,
 - u drugi dio polja: popunjava se samo kod stavljanja robe u postupak carinskog skladištenja. Upisuje se rok odobrenog postupka carinskog skladištenja, iskazan u broju dana. Ako taj rok nije određen, zbog tehničkih zahtjeva carinskog informacionog podsistema, upisuje se maksimalni sistemski broj dana "9999".

Polje 54: Mjesto i datum/Potpis i ime deklaranta/zastupnika

1. Upisuje se mjesto i datum podnošenja uvozne carinske deklaracije.
2. Odgovorno lice kod deklaranta/zastupnika upisuje svoje puno ime i svojeručni potpis.
3. Original svojeručnog potpisa odgovorno lice mora staviti na primjerak odštampane uvozne carinske deklaracije koji ostaje kod nadležnog postupajućeg uvoznog carinskog ureda. Ako je deklarant/zastupnik pravno lice, upisuje se puno ime tog pravnog lica, puno ime odgovornog lica kod deklaranta/zastupnika koji se svojeručno potpisuje i navodi funkciju, te stavlja otisak službenog pečata.

4. Kod uvozne carinske deklaracije, carinski informatički podsustav automatski upisuje samo datum podnošenja uvozne carinske deklaracije i korisničko ime (u formatu "prezime.ime" (mala slova)) odgovornog lica kod deklaranta/zastupnika koje mu je dodijeljeno od strane Uprave za neizravno oporezivanje za rad na carinskom serveru. Svojeručni potpis to odgovorno lice mora upisati na primjerak predmetne uvozne carinske deklaracije koji ostaje kod nadležnog postupajućeg uvoznog carinskog ureda (kao i naziv funkcije deklaranta/zastupnika ako je u pitanju pravno lice i otisak službenog pečata).